

Transkription von Stadtbucheintrag HBS 1378e

Ort, Datierung: Halberstadt, 1378-??-??

Signatur: Stadtarchiv Halberstadt, X 01, 3r

Inhalt: Rat der Stadt Halberstadt: Ratsverordnungen (Verkauf von Hopfen, Stadtwaage, Waffenrecht etc.)

Jt(em) We ok stangen hoppe(n) her brochte op de(n) market ¹ vor kofte vn(de) den ² vor berch
hoppe(n) den wolde(n) / vse h(ere)n vte der stad wisen late(n) . /

Jt(em) we ok hoppe(n) her brochte de vor meneget w(er)e den wolde(n) vse / h(ere)n ok vt der stad
wissen late(n) . ok en scal neme(n)t neyne(n) hoppe(n) / vor kope(n) sundir hir op dem kerckhoue .
noch op perst(strat)e(n) he en wille en / silue(n) ver browe(n) /

Jt(em) we ok wat weghe(n) late(n) weld(e) id sy wulle edd(er) anders wat ³ , de scoldet oppe der stad
waghe / wege(n) late(n) vn(de) anders nirghe(n) we des nichte(n) dede de scolde dat der stad wedd(er)
don /

Jt(em) we der stad tinses plichtich sy de bidde(n) vns(e) h(ere)n dat den / malk entrichte . dat me(n)
den [...] /

Jt(em) we ok vns(en) h(ere)n vo(n) halb(e)r(stad) toln plichtich sy to geuene nv to dem jarmarket de /
bidde(n) vnse h(ere)n dat me(n) den toln antw(or)de sine(n) tolne(r) wu sek dat ge bore /

Jt(em) Ok wille(n) vnse h(ere)n dat neyne deynst knechte noch geste vt lude ⁴ scole(n) swerd / noch
neynerleye were draghe(n) id en w(er)e denne dat se ere(n) / h(ere)n na gingen auend eddir morghe(n)
eddi(ir) dat eyn geruchte wurde hir i(n) der stad eddi(ir) dar bute(n)⁵ we id boue(n) dat dede / deme
scoldeme de were neme(n) . dat scal jewelk werd / sine(m) gaste witlich don . welk werd dat vor
sweghe de scolde der / stad geue(n) v sol(idi) . vn(de) dat pand lose(n) vor dre schilli(n)ge / id enw(er)e
den(n)e dat he is vo(n) liues nod nicht don mach /⁶

Jt(em) Ok scal de werd silue(n) wake(n) eddi(ir) scal ⁷ so scolde he dochdar lude to sende(n) dar me wol
/ medde wete(n) moge ⁸ mochte we des nichte(n) dede mid dem wolde(n) vse h(ere)n / also voge(n)
dat id eme nicht enene w(er)e /

Jt(em) Hir gan vaste lude opp der strate de vor vest(et) sin . ane orlef der / richte(r) vn(de) sacwolde(n)
. bidde(n) vnse h(ere)n dat sek mak dar vore beware(n) / vn(de) stuge de veste we des nicht(e)n dede
den wolde(n) de richt(er)e+ hind(er)n / vn(de) i(n) de hefte late(n) sette(n) . /

¹ *her ... market* über der Zeile eingefügt

² ~~*vn(de) den*~~ durchgestrichen

³ *id ... wat* über der Zeile eingefügt

⁴ *noch geste vt lude* über der Zeile eingefügt; feste Wendung, vgl. 18v (1378f) = *geste vn(de) vtlude*

⁵ *edd[ir] ... bute(n)* über der Zeile eingefügt,

⁶ *id ... mach* über der Zeile eingefügt

⁷ *edd(ir) scal* durchgestrichen, dafür *so scolde he doch* überschrieben

⁸ *moge* durchgestrichen